

A per Gallandiam\* et in pluribus locis uti faciebat navigio, et illam partem Parisius quæ ultra Magnum Pontem est fecisset insulam, nisi celsioris terræ crepido, sicut itur ad Sanctum Laurentium, profluvium detinens, super aquas contenderet eminere. Forte Saturnus per multas annorum revolutiones anhelans in domicilium suum venerat, et ob hoc effectum proprium dominatius exercebat. Nam a xxx  
 B annis ante transactis, quando scilicet Parvus Pons nimis fluctuum illisionibus impulsus cecidit, nullo anno visum fuit tantum pluisse tantumque fluvios excrevisse. Tanta dampna faciebat illud particulare diluvium in satis, in vineis, in ædificiis, in arbustis, in diversis quoque mobilium generibus, quod siccis genis non poterat a multis enarrari. Cur referam quomodo res varias in hortis sive prædiis seu plateis positas sine licentia dominorum tollens, quo trahebat impetus fluminis asportabat? Nam quod dampnoser est, pecudes in ovilibus, porcos in aris, armenta in stabulis hominesque in domibus ingressu subito turbare non reverens, habitacula eorum dissipans in sepulcra convertibat, vel ipsa habitantia pro viribus renitentia proferens parumper palpitare tolerabat, sed tolerantiam vitæ  
 C brevis immani pretio redimebat. Cives Parisius se voluerunt aliquandiu defendere; sed laborem suum cernentes incassum cedere, redierunt ad cor, et in ipsa tribulatione malorum et dolore cognoverunt humanas vires contra gravamen duplicis elementi, aquæ scilicet et aeris, non posse sufficere, sed divinum auxilium postulandum. Inde quod frequentant ecclesias, orationes multiplicant, elemosinas dant,  
 E nec audeo dicere largiuntur, quia pro supplicationibus suis, nec nubes cessabant pluere, nec excedens Sequana cepta per me deservire<sup>1</sup>. Quid facerent? Ubi vident urgens instare periculum, auxilium humanum deficere, deesse divinum, argumento probabili conjecturant se esse indignos in tanto negotio per se pro se agere apud Deum, sed ad conciliandam Omnipotentis clementiam opus habere medio prævalenti. Medium illud timore sollicito quæritur, spe rediviva invenitur, memoria approbatur beneficia præterita recolente. Omnes consentiunt in beatam virginem Genovesam, ut ipsa piis precibus impleretur, dignis obsequiis honoretur, devotis supplicationibus demulceatur, sollempni processione ad ecclesiam sanctissimæ Dei genitricis Mariæ venerabiliter deportetur, quatinus corporali præsentia petitionem  
 G populi roboraret, felix ancilla felicem dominam intercedat, favorem quem sibi in æternum meruit periclitanti patriæ vel ad modicum nunc acquirat. Multumque confidunt quod hoc triplici funiculo, id est contritione<sup>2</sup> miserabilis populi, subsidio gratiosæ virginis, præsidio gloriosissimæ Matris, ut mel in favo, Deus homo Jesus Christus ad misericordiam inclinetur. Placet consilium, studiose mancipatur effectui, dicto citius restrictio fluminum impetratur. Quid enim neget Filius misericors karissimæ Matri suæ, dilectæ et præelectæ sibi a constitutione mundi? Aut Regina virginum quid negare sustineat familiarissimæ suæ Genovæ, quæ a primæva ætate vitæ fragilis<sup>3</sup> tam fideliter, tam ferventer, tam perseveranter in humilitate, in virginitate et in omnibus virtutibus eam studuit imitari? Revera dignum  
 J est Matrem pulchræ dilectionis vitam<sup>4</sup> pulchræ dilectionis supereffluenter rependere adolescentulis quæ dilexerunt eam nimis. Inde est, dilectissimi, quod quamvis piissima Dei Genitrix quandoque dissimulet filios dissimilitudinis exaudire, tamen exauditionis suæ sacrarium dilectissimæ suæ Genovæ semper patulum invenitur. Ignoravit tamen aliquorum ruditas beneficium jam indultum,  
 K Sequanamque obedientem cœlesti imperio putabant adhuc procedere in augmentum. Judicium eorum fallebant, ut puto, fides parva, devotio remissa, densitas<sup>5</sup> nubium, copia imbrum, fluctuum commotio, malorum conturbatio, timoris consternatio, quem a se vix potest, etiam in exiguis casibus, ignava pusillanimitas relegare. Sed quidam alii nubes et inania attendere non contenti, signa  
 L posuerunt quibus certissime cognoverunt quod ab ipsa hora processione Sequana paravit reditum, et hoc videre volentibus, Deo et beatæ Genovæ gratias agentes, ostendere curaverunt. Illi vero qui beneficium Dei ignorabant, proces-

<sup>1</sup> *Locus corruptus; fortasse legendum septa per media deservire.*

*Cod. contritione.*

<sup>2</sup> *Cod. fragilis.*

<sup>3</sup> *Cod. vitem.*

<sup>4</sup> *Cod. dempsitas.*